

# Empreza Timor Resources indemniza comunidade afetadu projetu perfurasaun Feto Kmaus II Kovalima



*Empreza Timor Resources fasilita husi ANP halo pagamentu ba família afetadu projetu konfirmasaun perfurasaun mina iha feto Kmaus II. Foto TATOLI/Celestina Teles.*

**KOVALIMA , 25 Marsu 2026 (TATOLI)**-Vise Prezidente Autoridade Nasionál Petróliu (ANP), Quintino Perreira, hateten Empreza Internasionál Timor Resources, Kuarta ne'e, halo ona indemnizasaun ba família afetadu projetu konfirmasaun perfurasaun feto kmaus II iha aldeia Tabakolot, suku Debos, postu administrativu Suai, Kovalima.

“Ami hamutuk ho Timor Resources hala’o ona pagamentu ba família afetadu ba projetu konfirmasaun perfurasaun mina Feto Kmaus II iha munisípiu Kovalima,”nia hato’o asuntu ne’e iha ninia diskursu iha Salaun Administrasaun Munispiu Kovalima, ohin.

Nia dehan, antes tama iha prosesu pagamentu ohin loron nian, ekipa tékniku hosi Autoridade Nasionál Petróliu maka fasilita Empreza Timor Resources hodi verifika dados husi comunidade afetadu ba projetu referidu.

Tuir dadús husi ANP no Timor Resources kona-ba comunidade afetadu projetu ne’e hamutuk uma-kain hitu (7), ho total rai ninia luan maka 10.230 metru kuadradu.

“Família afetadu ba projetu konfirmasaun perfurasaun feto kmaus II hamutuk na’in-hitu ho orsamentu \$ 46,865.60,” nia relata.

Iha fatin hanesan Prezidente Autoridade Munisípiu Kovalima, Miguel Armada Cardoso, informa Empreza Timor Resources fasilita husi ANP ohin halo ona pagamentu ba família afetadu projetu konfirmasaun perfurasaun mina feto kmaus II iha Kovalima.

“Ohin loron final ona ba prosesu tomak hodi halo indemnizasaun ba família afetadu ba projetu konfirmasaun perfurasaun mina feto kmaus II iha Kovalima no orsamentu transfere ona ba ita boot sira nia konta bankaria,” Autoridade Kovalima ne’e hateten.

**Jornalista :Celestina Teles**

**Editór :Florencio Miranda Ximenes**

*From ANP LinkedIn 26 March 2026*

The National Petroleum Authority (ANP) has facilitated the land acquisition processes for the Feto Kmaus 2 appraisal drilling project located in Tabacolot Village, Suco Debos, Suai Vila Administrative Post, Covalima Municipality. In close collaboration with the Municipal Authority, local authorities, and a coordination council comprising relevant institutions, ANP carried out the identification and verification of land, including forestry and agricultural crops. The identification process resulted in a total of seven households residing in the area being required to vacate the referred area in order to enable drilling operations. The process culminated with the compensation payment ceremony held on Wednesday, 25 March 2026.

During the event at the Covalima Municipal Administration Hall, ANP Vice President, Mr. Quintino Bere, expressed his sincere appreciation to all entities that provided strong support and effective collaboration throughout the process. He emphasized that such cooperation was essential to the successful completion of land acquisition and the subsequent authorization of drilling activities.

President of Covalima Municipality also expressed his sincere gratitude for the affected households for their genuine collaboration in supporting government initiative during the oil and gas exploration activities in the country.

According to available data, a total of seven affected families received compensation under the Feto Kmaus 2 appraisal drilling project, covering a combined land area of 10,230 square meters, including forestry and agricultural crops.



## **Timor Resources prepara ona ekipamentu halo perfurasaun mina Feto Kmaus II iha Kovalima**



Jerente Timor Resources, Filomeno Andrade. Imajen TATOLI/Celestina Teles.

**KOVALIMA, 26 Marsu 2026, (TATOLI)** – Empreza internasionál Timor Resources prepara ona ekipamentu hodi halo perfurasaun ba mina Feto Kmaus II ne'ebé lokaliza iha Aldeia Tabakolot, Suku Debos, Postu Administrativu Suai, Munisípiu Kovalima.

“Iha semana ne'e, ami bele hahú maibé tanba domingu agora Ramos, páskua hotu mak ami foin bele hahú atividade,” Jerente Empreza Timor Resources Filomeno Andrade, ko'alia iha salaun Autoridade Munisipál Kovalima, kinta ne'e.

Empreza Timor Resources prepara ona ekipamentu no pesoál ne'ebé servisu, sira hein de'it ona tanba ekipamentu preparadu ona.

Jerente Timor Resources husu comunidade fó rai hodi halo estrada hafoin halo preparasaun ba perfurasaun mina Feto Kmaus II iha munisípiu Kovalima.

Nia esplika, tékniku atu serbisu iha prosesu perfurasaun fahe ba faze rua; faze preparasaun uza tékniku enjeñeiru iha-ne'e no halo konstruisaun estrada atu halo perfurasaun mina.

“Ho nune'e daudaun ne'e empreza Timor Resources mobiliza ona ekipamentu atu halo perfurasaun, tanba kontratu halo ho *local supply* ita presiza karreta no ekipamentu sira seluk preparadu ona,” nia dehan.

Tuir dadus, família afetadu ba projetu konfirmasaun perfurasaun Feto Kmaus II hamutuk na'in-hitu ho orsamentu \$46,865.60 ho total Área rai hamutuk 10,230 metru kuadradu.

**Jornalista: Celestina Teles    Editor: Evaristo Soares Martins**